
Na osnovu čl. 17. i 72. Zakona o hrani ("Službeni glasnik BiH", broj 50/04) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine, na 104. sjednici, održanoj 8. jula 2014. godine, donijelo je

**PRAVILNIK
O IZMJENAMA I DOPUNAMA PRAVILNIKA O HRANI
OBOGAĆENOJ NUTRIJENTIMA**

Član 1.

U Pravilniku o hrani obogaćenoj nutrijentima ("Službeni glasnik BiH", broj 72/11) u članu 4. stav (2) mijenja se i glasi:

- "(2) Izuzetno od stava (1) tačke b) ovog člana, vitamini i minerali smiju se dodavati, ne uzimajući u obzir odredbe člana 3. stav (2) ovog pravilnika pod uslovom da nemaju prehrambene ili zdravstvene tvrdnje, u proizvode:
- a) pod tarifnom oznakom 2206 00,

- b) koji su stavljeni na tržište država članica Evropske unije prije 1. jula 2007.,
- c) koji su prijavljeni Evropskoj komisiji prije 19. jula 2007."

Član 2.

Član 6. mijenja se i glasi:

- "(1) Prilikom dodavanja vitamina ili minerala u hranu, ukupna količina prisutnog vitamina ili minerala koja se, bez obzira na svrhu, nalazi u hrani koja je na tržištu ne smije prelaziti količine vitamina i minerala koje se smatraju sigurnim za konzumaciju, određene naučnom procjenom rizika na osnovu općeprihvaćenih naučnih podataka uzimajući u obzir, po potrebi, različite stepene osjetljivosti različitih grupa potrošača.
- (2) Za procjenu količine vitamina i minerala koja se smatra sigurnom za konzumaciju iz stava (1) ovog člana mora se uzeti u obzir unos vitamina i minerala iz drugih prehrambenih izvora i doprinosa pojedinačnih proizvoda u ukupnoj ishrani opće populacije.
- (3) Za koncentrirane ili dehidrirane proizvode preporučene dnevne količine su one koje se nalaze u hrani koja je pripremljena za konzumaciju u skladu s uputstvima proizvođača.
- (4) Dodati vitamini ili minerali treba da budu prisutni u hrani u značajnoj količini, u skladu s Aneksom I. Pravilnika o označavanju hranjivih vrijednosti hrane ("Službeni glasnik BiH", broj 78/12)."

Član 3.

Član 7. mijenja se i glasi:

"Hrani se može dodavati ili se pri njenoj proizvodnji može koristiti neka druga tvar koja nije vitamin ili mineral ili sastojak koji sadrži tvar različitu od vitamina ili minerala u količini koja znatno ne prelazi uobičajeno konzumiranje te tvari u normalnim uslovima uravnotežene i raznolike ishrane i koja nema štetan učinak na zdravlje."

Član 4.

U članu 8. stav (3) mijenja se i glasi:

- "(3) Prilikom označavanja hrane s dodatim vitaminima i mineralima i drugim tvarima definirane odredbama ovog pravilnika obavezno se moraju navesti sljedeći podaci:
 - a) hranjiva vrijednost hrane kako je to propisano Pravilnikom o označavanju hranjivih vrijednosti hrane ("Službeni glasnik BiH", broj 78/12) i ukupna količina prisutnih vitamina i minerala kada se dodaju hrani,
 - b) naziv i količina dodate druge tvari,
 - c) prehrambena tvrdnja u kojoj se navodi spomenuto dodavanje u skladu s posebnim propisom o prehrambenim i zdravstvenim tvrdnjama koje se navode na deklaraciji hrane."

Član 5.

Član 12. mijenja se i glasi:

- "(1) Kad se hrana obogaćena drugim tvarima iz člana 7. ovog pravilnika prvi put stavlja na tržište Bosne i Hercegovine, subjekat u poslovanju s hranom prije prvog stavljanja na tržište mora podnijeti zahtjev za izdavanje notifikacijskog broja.
- (2) Notifikacijski broj izdaje se na osnovu pribavljenog mišljenja Agencije.
- (3) Agencija formira komisiju za davanje mišljenja u svrhu izdavanja notifikacijskog broja.
- (4) Zahtjev za izdavanje notifikacijskog broja iz stava (1) ovog člana podnosi se u pisanoj formi nadležnim ministarstvima zdravstva entiteta i Brčko Distrikta Bosne i Hercegovine.

- (5) Nadležno ministarstvo pismenim putem obavještava Agenciju neposredno po prijemu zahtjeva uz dostavljanje primjerka propisane dokumentacije.

- (6) Uz zahtjev je potrebno priložiti sljedeću dokumentaciju:

- a) podatke koji označavaju hranu na jezicima u službenoj upotrebi u Bosni i Hercegovini,
- b) originalnu ambalažu ili idejno rješenje ambalaže,
- c) dokaz o količini vitamina, minerala i/ili drugih tvari dodatih hrani,
- d) dokaz da količina druge tvari koja je dodata hrani značajno ne prelazi uobičajeno konzumiranje te tvari u normalnim uslovima uravnotežene i raznolike ishrane i koja nema štetan učinak na zdravlje,
- e) ako se hrana uvozi u Bosnu i Hercegovinu, službeni dokument od nadležnog tijela države gdje se ta hrana proizvodi ili stavlja na tržište kojim se dokazuje da je takva hrana legalno proizvedena, odobrena i stavljena na tržište,
- f) ako se hrana uvozi u Bosnu i Hercegovinu, a već se nalazi na tržištu u zemljama Evropske unije, izjavu da se nalazi na tržištu u najmanje dvije zemlje Evropske unije,
- g) ako se hrana proizvodi u Bosni i Hercegovini potrebno je priložiti izvod iz Registra registriranih objekata,
- h) dokaz da je podnosilac zahtjeva registriran u Bosni i Hercegovini,
- i) ostalu dokumentaciju koju komisija iz stava (3) ovog člana zatraži,
- j) kopiju uplatnica za pokrivanje troškova postupka izdavanja notifikacijskog broja.

- (7) Notifikacijski broj za stavljanje na tržište hrane obogaćene nutrijentima rješenjem daju, odnosno uskraćuju nadležna ministarstva zdravstva entiteta i Brčko Distrikta Bosne i Hercegovine, na osnovu mišljenja Agencije, a primjerak tog rješenja nadležno ministarstvo dostavlja Agenciji u roku od 15 dana od njegovog izdavanja, odnosno uskraćivanja.

- (8) Troškove u postupku izdavanja notifikacijskog broja iz stava (4) ovog člana snosi podnosilac zahtjeva, a visinu odlukom određuje nadležno ministarstvo.

- (9) Troškove postupka izdavanja mišljenja snosi podnosilac zahtjeva, a visinu odlukom određuje Agencija."

Član 6.

Član 13. mijenja se i glasi:

- "(1) Odobrenje notifikacijskog broja iz člana 12. ovog pravilnika sadrži sljedeće podatke:
 - a) naziv podnosioca zahtjeva,
 - b) odobreni notifikacijski broj,
 - c) naziv proizvoda,
 - d) naziv i količinu dodate druge tvari.
- (2) Rješenje o odobravanju notifikacijskog broja ne potvrđuje usklađenost proizvoda s propisima o hrani.
- (3) Rješenje o odobravanju notifikacijskog broja potvrđuje da proizvod sadrži dopuštenu količinu druge tvari.

Član 7.

- (1) U Aneksu II. tačka 2. iza riječi: "željezov sulfat", na listu se dodaju riječi: "željezo amonij fosfat" i "željezo natrij EDTA".
- (2) U Aneksu II. tačka 2. iza riječi: "hrom (III) sulfat i njegov heksahidrat" na listu se dodaju riječi: "hrom pikolinat".

Član 8.

Aneks III. briše se.

Član 9.

Ovaj pravilnik stupa na snagu osmog dana od dana objavljivanja u "Službenom glasniku BiH".

VM broj 126/14
8. jula 2014. godine
Sarajevo

Predsjedavajući
Vijeća ministara BiH
Vjekoslav Bevanda, s. r.
